

**MPAMINANY TSY MASINA AN-TANINY**

# Ombay mitady i Johanna

Natao nakotroka ny fandalovan'i Johanna ilay nambara fa "mpaminany vavy" avy any Brezila, tonga nasesikin'ny fanahy masina hono, teto Madagasikara, nanambara ny" vaovao mahafaly", nahenika ireo mpampahalala vaovao miaradina amin'ny fitondrana, ilay hafatra nentin'ity " mpaminany vavy", izay nilaza fa eto Madagasikara dia hisy ny fahagagana lehibe eo amin'ny lafiny fitsaboana ary eto amin'ity tanindrazantsika ity no hivoaka ny fanafody, izay hampitodika ny mason'izao tontolo izao. Ny 26 Aprily 2020 no nivoahan'izany, nohamafisina mihitsy fa fiaramanidina manokana no nitondra an'i Johanna avy any Brezila ary nahafofy vola aman-karena izy niantoka ny diany, satria zava-dehibe loatra eo amin'ny fiainan'izao tontolo izao hono ny vaovao nentiny.

Ny fitondrana ankehitriny dia malaza ho mahay milalao ny lafiny serasera, satria nampifandraisina ny fivoahan'ny CVO sy ny fandalovan'ity "mpaminany vavy" ary natao faran'izay matanjaka ny famoahambaovao, nisy ny fampisehoana ilay "lakroa" tamin'ny fahitalavitra, k'izay lalana nalehan'izay "mpaminany" tamin'ny fandalovan'ny teto Madagasikara tamin'io 26 Aprily 2020 io, no nofaritan'izay "lakroa".

Toy izao ny firafitr'ilay "lakroa", ny mitsivalana eo amin'ilay vokovoko dia Toamasina ny tendrony havanana ary Mahajanga ny tendrony havia, ny mitsangana dia Antsiranana ny tendrony ambony ary ny any amin'ny faritra atsimo ny tendrony ambany ary eto Antananarivo no mifanapaka ny mitsangana sy ny mitsivalana, izany hoe eto an-drenivohitra izany no ivon'ilay "lakroa".

Tsy mbola nisy ny maty tamin'ny tarehimarika ofisialy tamin'ny fotoana nandalovan' i Johanna teto amintsika ny 26 Aprily, saingy andro vitsivitsy monja taorian'io dia nisantatra ny fisian'ny fahafatesana i Toamasina tendrony ilany amin'ilay tanambokovoko, Antananarivo ivon'ilay "lakroa" no be maty indrindra, ary ny lalana voasoritr'ilay "lakroa" dia samy nahitana famoizan'aina avokoa, Antsiranana any amin'ny tendrony ambony dia nambaran'Ingahy Filoha, fa mbola tsy tratra hono ny "pic", nisy ihany koa ireo namoy ny ainy tany amin'ny tendron'ny ambany sy ny tendron'ny havia amin'ilay mitsivalana ary ireo tanàna tsy voaso-

Antoko Monima

## Mpanao politika nasionalista tia ny tanindrazany i Monja Jaona

Tsy tanteraka ny fahaleovantena sy ny fiandrianam-pirenena, hoy ireo mpikambana ao amin'ny antoko Monima, satria tsy manana "Ethique Politique" ny mpanao politika, sy ny mpitondra fanjakana ary ny mpanohitra amin'izao fotoana izao, vokatry'izany miankin-doha amin'ny vahiny i Madagasikara, no sady gejain'izy ireo ny toe-karena ary miha-mahantra hatrany ny firenena. Ny fahasahiana mijoro amin'ny fahamarinana sy ny fanajana ny teny nomena ary ny tsy fivadihidiana amin'ny tolona nifanarahana no filamatra ny Raiaman-dreny Monja Jaona, izay midika hoe "mandehana mahitsy" (Kamiviombio). Naha-

tsiaro ny faha-26 taona nahafatesan'ny Tia tanindrazana Monja Jaona ny birao Foibe, izay tarihin'i Monja Roindefo Filoha nasionalin'ny Monima: Magasikara Otronin'ny Malagasy, ny herinandro teo. Nilaza Andriamatoa Gabriel Rabearimanana, Sekretera Jeneralin'ny Monima, fa manana fotokevitra sy toe-tsaina ary fitondrana nentina nitondrana ny tolona nataony nandritra ny 65 taona i Monja Jaona, ao anatin'izany ny fiarovana ny zo sy ny hasin'ny Malagasy, ny fandavana ny adim-poko sy ny fitandroana ny soatoavina Malagasy, ny fitakiana ny fahaleovantena tanteraka tsy miankin-doha amin'ny any ivelany, ny famolavo-



Ny Lakroa'i Johanna.

ritra ho nandalovan'ilay "lakroa" dia zara raha nisy ireo lavo. Dia nilaza inona izany ilay "lakroa"?

Novoizina mafy mihitsy tamin'ny serasera makadiry ho "olo-mendrika" sy "tsara sitra-po" i Johanna, satria hono nahavita nandany fatotra amampondrana, niala tany Brezila tonga taty amintsika nanambara ilay "vaovao mahafaly", kanefa dia mahalasa saina ihany satria i Brezila dia anisan'ireo firenena nahitana fahafatesana be indrindra, ka raha mpaminany to-teny tany amin'ny firenena niaviany i Johanna dia tokony nahavita nandresy lahatra ny mpitondra tany amin'ny fireneny hanafatra ny CVO taty amintsika, satria io no nambara fa ody faty latsaka fahefany.

Fa taorian'ny nandalovan'i Johanna teto Madagasikara dia tsy nandrenesam-baovao intsony ny momba azy, ka nahatonga ny fanontaniana hoe; "Ombay mitady" i Johanna, ny azo antoka dia vaovao roa no azo ambara mikasika ny misy azy, ka ny iray amin'ireo tsy maintsy marina, ny voalohany dia mbola velona miraria any an-tanindrazany any i Johanna mbola miambozona "lakroa" saingy nangina fotsiny, ny faharoa, izay enga anie ka ho diso, dia efa nampitovy tongotra i Johanna satria maromaro ihany ireo lavo tany Brezila noho ny coronavirus, ka ny toerana misy azy dia misy lakroa eo amboniny.

Ny Valosoa

piote teto Antananarivo tamin'ny taona 1984. Voatifitra teo amin'ny tongony i Monja Jaona tetsy amin'ny Cemes Soanierana ny taona 1992, rehefa nitaky ny fahalalahana nandritra ny fitondran'ny Heryvelona. Nodimandry tamin'ny 03 Septambra 1994 i Monja Jaona ary tsy nisy nanohy intsony ny tolona ho an'ny fahafahana nataony hatramin'izao.

Franck Razakambelo

Fianakaviana Ravalomanana

## Fianakaviana tahian'ny Tompo, nahazo fahasoavana 2 sosona

Raha ny zava-nitranga ny volana aogositra lasa teo, sy ny alahady lasa teo dia hita sy tsapa fa fianakaviana tahian'ny Tompo ny fianakaviana Ravalomanana. Fahasoavana 2 sosona no azon'ny fianakavian'ny filoha Marc Ravalomanana satria nomen'Andriamanitra ny zafikeliny faha 4 indray izy ireo i Dada sy i Neny, andro maromaro lasa izay. Tonga soa i Timoty Ravalomanana, ka natao batisa tao amin'ny fiangonana FJKM Imerikasinina Fanasina Antananarivo Avaradrano ny alahady teo. Hafaliana ny an'ny ray aman-dreny Claudia sy Tojo Ravalomanana zanaka lahy faharoan'ny filoha Marc Ravalomanana tamin'ny fahasoavana sy fitahiana avy amin'ny Tompo sy Andriamanitra nomeny azy ireo, ka nanolorany ny zanany ho eo ambany fahasoavan'ny Tompo, tamin'ny alalan'ny fanaovana batisa ity zazalahy kely, lahy tahaka an-drainy ity!



Radafy



Ireo sasany mpikambana amin'ny birao foiben'ny antoko MONIMA.

Helisoa